

\*"মিষ্টি বাচ্চারা - তোমাদের নিজেদের ভাগ্যকে হীরের মতো তৈরী করতে হবে , তাই পুরুষার্থ করে বাবার থেকে স্বর্গের সম্পূর্ণ বর্সা নিতে হবে ।"\*

\*প্রশ্ন :- কোন্ রহস্যের কথা বুদ্ধিতে যুক্তিযুক্ত ভাবে বসে গেলে অপার খুশির অনুভব হবে ?\*

\*উত্তর :- এই নাটকের রহস্য । এই নাটকে প্রতিটি অভিনেতাই অবিনাশী পার্ট পেয়েছে, যা তাদের অভিনয় করতে হবে । কারোর পার্টই কখনো পাল্টে যাবে না বা শেষ হয়ে যাবে না । এই নাটক সম্পূর্ণ বানানো এবং তা হয়ে চলেছে .....এর কোনো পরিবর্তন হবে না । কল্প সম্পূর্ণ হলেও আবার সেই পার্ট সেকেন্ডে সেকেন্ডে রিপিট হবে । এ অতি গোপন রহস্য যা যুক্তিযুক্ত ভাবে বুদ্ধিতে বসলে অপার খুশীর অনুভব হবে । না হলেই মানুষ দ্বিধায় পড়ে যায় । বাবা বলেন যে বাচ্চারা দ্বিধাগ্রস্ত হবে না কখনো । বাবার উপর নিশ্চয় রেখে সম্পূর্ণ বর্সা নেওয়ার পুরুষার্থ করো ।\*

\*গীত :- তোমায় পেয়ে আমরা সারা জগত পেয়ে গেলাম, পৃথিবী তো পেলামই আকাশও পেয়ে গেলাম .....\*

\*ওম্ শান্তি\* । মিষ্টি মিষ্টি ঈশ্বরীয় বাচ্চারা এই গান শুনেছে । নাটকের নিয়ম অনুসারে এই সময় তোমরা বুঝতে পারো যে তোমরা এখন ঈশ্বরের সন্তান হয়েছ । এই ঈশ্বরের কাছেই তোমরা স্বর্গের মালিক হতে এসেছ অথবা স্বরাজ্যের অধিকার নিতে এসেছ । নরকের মানুষমাএই তো এই কথা জানে না যে স্বর্গ কি ! তোমরাই জানো যে বাবা এই স্বর্গের স্থাপনা করেন । আবার রাবণ নরকের স্থাপন করে । এই কথাও কেউ জানে না । তোমরা জানো যে তোমরা বাবার থেকে স্বর্গের রাজত্ব নিচ্ছ । যখন কোনো মানুষ মারা যায় , লোকে বলে স্বর্গে গেছেন । তাহলে নিজেদেরই বলে আমরা সবাই এই নরকে আর সবাই এই নরকের মালিক । এ হল সম্পূর্ণ সহজ কথা এখানে দ্বিধার কোনো ব্যাপার নেই । তোমাদের সকলের ভাগ্য এখন হীরের মতো হচ্ছে । আর এই হীরের মতো ভাগ্য এক বাবা ছাড়া কেউই বানাতে পারে না । তোমরা জানো যে তোমরা বাবার থেকে এই স্বর্গের বর্সা নিচ্ছ । নরক কতো সময় ধরে চলে এই কথা কাউকে বোঝালে সে বলবে সত্যযুগ তো লাখ বছরের । তোমরা হলে গড ফাদারের ছাত্র । এই গড ফাদারের দ্বারাই তোমরা স্বর্গের বর্সা পাচ্ছো । এরপরও তোমরা বাবাকে ভুলে যাও কেন তা বাবা বুঝতেই পারে না । ঝড় তো জীবনে অনেক আসবে । তখন তোমরা কি বিনা পরিশ্রমেই স্বর্গের মালিক হয়ে যাবে । কেউ মারা গেলে বলা হয় স্বর্গবাসী হয়েছে । তাহলে আবার কাঁদো কেন ? তোমাদের তো হাততালি দেওয়া উচিত । আনন্দ করা উচিত । যদি স্বর্গে যাওয়া এতটাই সহজ হত তাহলে সবাইকে গালি দিলেও স্বর্গে পৌঁছে যাওয়া যেত । তাহলে এখানে এতো দুঃখে থাকার দরকারই বা কি । দুঃখে থাকলে মানুষ অনেক সময় বিষ খেয়েও মারা যায় । কতো সিপাই মারা যায় । একজন আবার অন্যজনকেও মেরে ফেলে । বাবা বলেন , সবাইকে বোঝাও যখন স্বর্গেই গেল তাহলে তোমরা কাঁদো কেন ? বাস্তবে কিন্তু কেউ স্বর্গেও যেতে পারে না আবার কেউ নির্বাণধামেও যেতে পারে না । এখন তোমাদের স্বর্গে যাবার উপায় বাবাই বলে দিচ্ছেন । স্বর্গের রচয়িতা যখন স্বর্গ রচনা করবেন তখনই তো কেউ স্বর্গে যেতে পারবে তাই না । এখন সেই স্বর্গের রচয়িতা শিববাবা এসেছেন । তোমরা বাচ্চারা এই কথাও জানো যে যখন রাবণ রাজ্য শুরু হয় তখন দেবী - দেবতার বাম মার্গে চলে যায় । ওই সময় থেকেই পৃথিবীতে বিকার শুরু হয়ে

যায় । রাবণ রাজ্য কবে থেকে শুরু হয় তার কোনো দিনক্ষণ নেই । তোমরা বাচ্চারা কি কখনো বলতে পারবে যে কবে শিববাবা এই ব্রহ্মার মধ্যে প্রবেশ করেছিলেন । যখন সাক্ষাত্কার হয়েছিল তখন এসেছিলেন নাকি কখন ? এই সাক্ষাত্কার তো ভক্তিমার্গেও এমনভাবেই হয়ে থাকে । জানাই যায় না যে বাবা কোন্ সময় এসেছিলেন । কৃষ্ণ আসার সময়ও দেখানো হয় । শিববাবার কোনো সময় দেখানো হয় না । শিববাবা হলেন মালিক । তিনি কখন আসেন সেই খবরই জানা যায় না । এই কথা মুরলীর মাধ্যমেই বোঝা যায় ।

বাবা বোঝান যে আমিই হলাম সেই কালেরও কাল , আমিই সবাইকে ঘরে ফিরিয়ে নিয়ে গিয়েছিলাম । সত্যযুগে তো কতো অল্প মানুষ ছিল আর এই কলিযুগে কতো মানুষ । সকল আত্মাকেই ঘরে ফিরে যেতে হবে । এই ফিরিয়ে নিয়ে যাবার জন্য অবশ্যই একজন পান্ডা চাই । বাবা বলেন আমি রুহানি পান্ডা হয়ে এসেছি, তোমাদের নিয়ে যাবো । নতুন দুনিয়ার জন্য আমিই তোমাদের পড়াচ্ছি । নরক বা স্বর্গ কি , কত সময় ধরে তা চলে, কবে তা শুরু হয়, এই কথা সন্ন্যাসীরাও জানে না । রচয়িতাও একজন আর এই সৃষ্টিও একটাই । শাস্ত্রে তো আতাল - পাতাল ইত্যাদি অনেক সৃষ্টি দেখানো হয়েছে যা মানুষ খুঁজতেই থাকে । মানুষ ভাবে এক একটি তারার মধ্যে নতুন দুনিয়া আছে । বাবা বলেন যে আমি আবার নতুন করে তোমাদের গীতার জ্ঞান শোনাই । ক্রাইস্টকে আবার তাঁর নিজের সময় মতো আসতে হবে । এই নাটক একটাই । সত্যযুগে দেবী - দেবতাদের রাজ্য ছাড়া আর কিছুই থাকে না । এখন তোমরা জানো যে আমরা বাবার থেকে বর্সা নিতে এসেছি । মানুষ স্মরণ করে - হে পতিত-পাবন এসো । তাহলে অবশ্যই তাঁকে কল্পের এই সঙ্গম যুগে আসতে হবে । এখন তোমরা জানো যে আমরা এখানে কেন এসেছি ? কি নিতে এসেছি ? তোমরা বলবে আমরা বাবার থেকে বর্সা নিতে এসেছি । আমরা এখন রাজযোগ শিখছি । কল্প কল্প আমরা বর্সা বা সম্পত্তি নিয়েছি আবার হারিয়েছি । এখন আবার এর জন্য পুরুষার্থ করতে হবে । সম্পূর্ণ জ্ঞান অর্জন করে তা অন্যদের বিলিয়ে দিতে হবে । নাহলে এই জ্ঞানের বৃদ্ধি কি করে হবে । গান তো কতো সুন্দর । এই গানের অর্থ তোমরা বাচ্চারা বোঝো । এই গান কতো মধুর যা তোমাদের মনকে স্পর্শ করে । বাবা তোমার থেকে আমরা এমন রাজ্য নিয়ে থাকি যা কেউই লুণ্ঠ করতে পারে না । এ হল এক অবিনাশী বর্সা বা সম্পত্তি যা একমাত্র অবিনাশী বাবার থেকেই মেলে । অনাদি বিশ্ব নাটক অনুসারে অথবা গীতার কখন অনুসারে আবার বাবা গীতা শোনাতে এসেছেন যেখানে রাজযোগ শেখানো হয়েছিল । শাস্ত্রে অনেক উল্টো পাল্টা কথা লিখে দিয়েছে । যুক্তি দিয়ে বোঝানোর মতো লোকও চাই । কেউ কেউ বলে জ্যোতি জ্যোতিতেই মিলিয়ে যাবে । কিন্তু আস্তা তো অবিনাশী । তার পার্টও অবিনাশী, আস্তার পার্ট কখনো নষ্ট হয় না । কখনোই তা শেষ হয় না । এই নাটক সম্পূর্ণ বানানো , আগামী দিনেও তা বানানোই আছে তাই এর কখনো বদল হয় না । এ কতো আশ্চর্যের । এতো ছোটো আস্তায় কতো অবিনাশী পার্ট ভরা আছে । কল্প সম্পূর্ণ হলে আবার একই ভাবে এর রিপিট হবে । প্রতি সেকেন্ড এইভাবেই পার হবে । এই নাটকেও সম্পূর্ণ যুক্তি দিয়ে বুঝতে হবে । কেউ কেউ এই কথায় দ্বিধায় পড়ে যায় । প্রথমে তো বাবার প্রতি নিশ্চয়তা থাকা দরকার যে বাবার থেকে অবশ্যই এই বর্সা বা সম্পত্তি পাওয়া যায় । কল্পে কল্পে এই সম্পত্তি ভারতবাসীরাই পায় । ৮৪ জন্ম তো ভারতবাসীদেরই নিতে হবে । বর্ণও তোমাদের বোঝাতে হবে । একজন অন্যজনকে এই স্মৃতি মনে করিয়ে দিতে হবে যে আমরা বেহদের বাবার থেকে বেহদের বর্সা বা সম্পত্তি নিচ্ছি । কিন্তু সবাই তো এখানে এসে পড়বে না । তোমরা দেখো যে অনেক সেন্টার খোলা হয়, যেখানে নরকবাসী এসে স্বর্গবাসী হতে পারে । অনেকে বাবাকে লেখে যে আমরা এর ব্যবস্থা করতে পারি । আমাদের কোনো জিনিসের ওপর মমত্ব

নেই । এ সবকিছুই হল ঈশ্বরের অর্থ । এখন তুমি রায় দাও । আমিও লিখি , নিজেদের সকলের মত নাও , যেখানে ভালো এলাকা আছে সেখানে সেন্টার খোলো । তোমরা সাহস দেখালে বাবা সাহায্য করবেন । বাবা কতো খুশী হন । মনে এই কথা বোঝাতে হবে এই জ্ঞানের দান তো খুব ভালো এর ফলে অনেককে কড়ি থেকে হীরে বানানো যায় । এ হল অনেক বড় হাসপাতাল আবার কলেজও । কেবল তিন পা পৃথিবী (তিন বর্গফুট জমি) চাই । কতো সহজ রীতি যাতে বাবা কড়ি থেকে হীরের মতো বানান । এমন বাবা কতো সাধারণ তোমরা দেখো । তিনি কোথায় এসেছেন , কোনো রাজার কাছে কেন আসেন নি ! তিনি বলেন , আমি সাধারণ বুড়ো মানুষের শরীরে আসি , যিনি ৮৪ জন্ম সম্পূর্ণভাবে পুরো করেছেন । ইনিই তো সত্যযুগের প্রথম প্রিন্স । ঐনার নামই রাখা হয়েছে শ্যাম আর সুন্দর । তোমরা বাচ্চারা এর অর্থ বুঝতে পারো কিন্তু দুনিয়ার মানুষ অর্থ না বোঝার কারণে কালো বলে দিয়েছে । আমি শিববাবা , আমার লিঙ্গও কালো । কৃষ্ণ এবং রামকেও কালো করে দিয়েছে । একদিকে সুন্দর আর অন্যদিকে কালো কেন ? কোথাও কোথাও নারায়ণকেও কালো করে দিয়েছে । কোথাও লক্ষ্মীকেও এমন দেখানো হয় । এখন মানুষের বুদ্ধি দেখে আশ্চর্য লাগে । বাবাই একমাত্র সত্য মত দিয়ে থাকেন তাঁর সাথে মিলনের জন্য । বাকি সবাই তো যন্তু , তপ , দান , পুণ্য ইত্যাদি করে , অকারণে পয়সা নষ্ট করে । তাহলে তারা আবার কেন বলে -- হে পতিত - পাবন এসো । গঙ্গা , যমুনা , নালা , এ তো কতো আছে । এই ব্রহ্মাবাবাও অনেক তীর্থ করেছেন । এখন তোমরা বাবার অতি প্রিয় এই নরকের ভাগ্যবান তারারা স্বর্গকে জেনে গেছো । মানুষ যখন মারা যায় , লোকে বলে স্বর্গে গেছেন । তাদেরও বুঝিয়ে বলো , স্বর্গ কাকে বলা হয় । আমরা জানি তাই তো তোমাদের বুঝিয়ে বলছি । আমরাও স্বর্গস্থাপনকারী বাবাকে পেয়েছি , তিনিই আমাদের এই জ্ঞান প্রদান করছেন । আমাদের কোনো মানুষ গুরু নেই । সত্গুরু একমাত্র বাবা, তিনিই পতিত - পাবন, যাঁকে আমরা ডেকে থাকি । নিরাকারকেই তো তোমরা ডাকো যাঁকে তোমরা জ্ঞানের সাগর বলে থাকো । তিনিই হলেন সত্ - চিত্ - আনন্দ স্বরূপ , জ্ঞানের সাগর । আমাদের তো জ্ঞান নেই । শিববাবার কাছে যে জ্ঞান আছে তা আর কারোর কাছে নেই । তোমাদের খুশীতে কতো গদগদ থাকা উচিত । পতিত - পাবন গড ফাদার আমাদের পড়ান । তিনিই আমাদের একাধারে বাবা , শিক্ষক এবং সত্গুরু তাই এতে ধাক্কা খাওয়ার কোনো ব্যাপার নেই । নিজের রচনাকে তো বাবাকেই সামলাতে হবে । যদি এখানে এসে শুধু শুধু বসে থাকো তাহলে সে তো সন্ন্যাসীদের জ্ঞান হয়ে গেল । গৃহস্থ জীবনে থাকলেও তোমরা তার মধ্যে থেকে এক, আধ ঘন্টা সময় তো বার করতেই পারো । প্রথমে ৭ দিন ভাঙিতে তোমাদের পড়তে হবে । এই ৭দিন যেন কারো কথাই স্মরণে না আসে বা কাউকেই চিঠি লেখা চলবে না । সবাইকেই সম্পূর্ণ ভুলে যেতে হবে । তোমরা অনেক বছর এই ভাঙিতে ছিলে, তবুও তোমাদের ভাগ্য .....কাউকে কাউকে মায়া টেনে নেয় । মায়া এতই প্রবল ।

বাবা বলেন বাচ্চারা, ধীরে ধীরে তোমরা পরিপক্ব অবস্থায় আসতে থাকো । তোমরা জানো যে আমাদের ৮৪ জন্ম সম্পূর্ণ হয়েছে । তোমাদের বুদ্ধিতে সম্পূর্ণ ঝাড় এবং সব ধর্ম সম্বন্ধে জ্ঞান আছে । ওখানেও আলাদা আলাদা ভাগ আছে । এখানেও এমন, ওখানেও এমন । বাকি মোক্ষ তো কেউই পায় না । এমনও নয় যে বুদ্ধবুদ্ধের মতো আত্মা পরমাত্মায় লীন হয়ে যাবে । তাহলে তো সব পাটই শেষ হয়ে যাবে । সব জ্যোতি জ্যোতিতেই যদি মিলিয়ে যায় তাহলে তো এই খেলাই শেষ হয়ে যাবে । এ সমস্তই মিথ্যা । মিথ্যা তো সম্পূর্ণ মিথ্যা, সত্যের একটা সুতোও নেই । ভক্তিতে কোনো মুখ মিষ্টি হয় না । তোমরা বাচ্চারা জানো যে -- মুখ মিষ্টি কে করায় । তাই বাবার এই পড়ানোতে সম্পূর্ণ ধ্যান দিতে হবে । পুরানো দুনিয়া দেখে লাড়ুর মতো হয়ে যেও না । তোমরা দেহ - অভিমানে এসো

না। এখন নিজেদেরই ব্যাগ তৈরী করো পরিবর্তনের জন্য। এখন এই দুনিয়া শেষ হয়ে যাবে। বাবা বলেন তোমাদের সবকিছুই বাবার কাছে বীমা করে দাও। ভক্তিমাগে যদি বলো তাহলে অল্পকালের জন্য ফল পাওয়া যায়। মানুষ ভাবে যে ঈশ্বর দিয়েছে। এখন তোমরা যদি বাবাকে দাও তাহলে বাবাও তোমাদের তার বদলে দেবে। সরাসরি তোমাদের ২১ জন্মের জন্য বীমা মিলে যাবে। বাবা বলেন তোমরা যদি সম্পূর্ণ বীমা করো তাহলে সম্পূর্ণ রাজস্ব পাবে। দুনিয়ায় হল শরীরের বীমা আর এ হল বাবার সাথে বীমা। ঈশ্বরকে তোমরা অর্থ দান করো। ঈশ্বরও তার বদলে কিছু দেন। তিনি তো ভক্তি মাগেরও দাতা আবার জ্ঞান মাগেরও দাতা। এ হল বেহদের বাদশাহীর জন্য বেহদের পড়া। এখন তোমরা যত চাও তত নিতে পারো। এই বিশ্বের রাজস্বও তোমরা নিতে পারো। এ হল পুরুষার্থের জয়। তোমরা চেষ্টা করো -- বিজয় মালায় আসতে। যদি দ্বিধায় পড় তাহলে সার্জন রায় দেবার জন্য তো আছেনই। তোমরা জানো যে আমরা অনেকবার এই বাদশাহী নিয়েছি আবার হারিয়েছি। এই জ্ঞান তোমাদের এখনই হয়েছে আবার সত্যযুগে তোমরা ভুলে যাবে। আচ্ছা --

মিষ্টি - মিষ্টি হারানিধি (সিকীলধে) বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত। রুহানি বাবার রুহানি বাচ্চাদের নমস্কার।

\*ধারণার জন্য মুখ্য সার\* :-

১) পুরানো দুনিয়া দেখে লাড়ুর মতো হওয়া যাবে না। নিজের ব্যাগ ব্যাগেজ গুছিয়ে ফেলতে হবে পরিবর্তনের জন্য। অথবা সবকিছু বাবার কাছে বীমা করে দিতে হবে।

২) কোনো বস্তুতে যদি মমত্ব না থাকে তাহলে কড়ি থেকে হীরের মতো হওয়ার সেবা করতে হবে। দান করলেই এই জ্ঞান ধন বাড়তে থাকবে।

\*বরদান :- বাবাকে অনুসরণ করে সুপুত্র হয়ে সমস্ত কর্মে প্রমাণ দিয়ে সফলতা স্বরূপ হও\*।

যারা বাবার অনুসরণকারী সন্তান, তারাই বাবার সমান। কারণ তারা বাবার সঙ্গেই কদমে কদম মিলিয়ে এগিয়ে যায়। বাপদাদা তাদেরই সুপুত্র বলে -- যারা প্রতি কর্মে প্রমাণ দেয়। সুপুত্রের অর্থ হল সর্বদা বাবার শ্রীমতের হাত এবং সাথে অনুভব করা। যেখানে বাবার শ্রীমত এবং বরদানের হাত আছে সেখানে সফলতাও আছে, তাই যে কোনো কাজ করতে এই কথা স্মৃতিতে রাখো যে বাবার বরদানের হাত আমাদের মাথার ওপরে আছে।

\*স্লোগান :- হীরের তুল্য উচ্চ স্থিতিতে স্থির হয়ে কৃত - কর্মই হল মূল্যবান কর্ম\*।